


詩

李相國集

平

卷十六



東國李相國全集卷之九

古律詩

閔常侍令賦雙馬圖

蛟綃勻滑雪色平粉墨丹鉛繪彩明
駟蒼二馬神且竒一飛玉勒一牽行
君不見穆滿馭八駿凌雲躡影一日
直過萬里程又不見伯樂未過虞坂時
驥服鹽車兩耳垂今看此二馬同是虬
與螭一馬飛去可以朝燕暮秣越夸父
荷杖應難追翠輶韉帶紫髯翁銀鞍赫
赫黃金羈跨塵奔逸電滅
後主良造父後爾為一馬局促自効
轉下駒俯

首低徊莫縱馳逐日霜蹄何處展追風逸氣無由
施布袍童子幸且去傍睎碧草行何遲盡工畫
此豈無謂中有妙意人誰知不唯賤畜乃尚爾
男兒窮達一如斯用之騰躍九天衢不用或自
沉泥途是亦逢時與否耳若予者分甘伏櫪無
長吁下車剪拂會有人時哉未來命矣夫

依韻和宋少卿緝光陪趙相國飲
城北幽人林泉

瀟灑幽人居一穗泉泓落貪搜地仙慳靜脫天
械縛丞相日來遊畫屏軒騎錯俛仰思天台聞

昔晉孫綽何如名教中亦有山水樂不待洗耳
穎似出化衣浴樂哉池上遊萬事渾忘却唯有
捐頭鶯一聲破寂寞謝妓花長春孔搏海不涸
宋公第一人逸想霞飄泊閑弄麒麟筆快送鷗
鷺杓妙語出自然天質謝彤牋落日醉如泥清
風卷珠箔豈比蓋寬饒但導母多酌起舞為公
壽願公壽如鶴平生憂國深是日獨歡譔

次韻趙亞卿冲見和

亞卿趙相
李嗣

別來今幾日厓草再榮落思之不能飛鬱爾甘
自縛鄙吝漸銷茅心神斗煩錯瓊樹無由攀似

想姑射綽荀幸後塵從不博南面樂君家禪雕
龍二陸名動洛溫溫白眉良愛日寒可却憐我
老章玄環堵守寂寞相見輒牽挽聊慰文園涸
憶昨陪清歡窮日見淹泊為投留客轄屢役指
人杓冥搜赤水珠幽討青丘牋竹色綠環階月
華清漏箔得意各相忘遣懷聊淺酌多公似羊
公愛我如愛鶴呼來肯氎氎蒲坐皆笑謔

我村如魏弘楊熙憂獲落口慙金人絨學昧石
室縛儒冠二十年一跌萬事錯紛華黜子夏清淨師
公綽宣識鵬天遊甘守蛙井樂浪思張翰吳未出賈

誼洛行藏難自謀，屢卜龜厭却世味。漸闌珊宦
情，何索寞沐公清水池。困魚免焦涸，託公高樹
枝。窮鳥知栖泊，我願學陽城道上設。甌掬時乞郡於相國
云故何曾效江淹，愧碧亦慙鴈。本是冰鄉孫蓬門，
不施箔清節。那一移貧泉寧百酌，欲奉壽山書
東峯待金鶴。此語勿輕傳，恐落儕輩譏。

次韻天壽寺鍾義禪師以詩見招
不見禪英月五周，忽聞佳喚駕言遊。寒驢未解
歸心迫，每到長川俯飲流。

彈鋏歌

食無魚食無魚彈缺哀歌聲激激秋菰秋菰粗
充腸多骨細條猶未得深江豈無魴與鯉玉尺
銀刀亂跳擲所嗟不必慕腥膾但恨無堦叅肉
食食無魚緣木求嗟哉嗟哉釣又直彈劍之歌
且可傳世無孟嘗誰復識

次韻江南友人見寄

流景環迴幾小還舊遊渾似夢魂間愁髩
蕭蕭方黏雪詩骨嶢嶢漸聳山
出為窓開呈遠碧苔因門杜長新斑
無官尚爾歸田晚未死何時得暫閑

奇尚書宅賦怒猿

猿公有何嗔人立向我嗥爾思巴峽月獸絆朱
門高我戀碧山隱浪受紅塵勞我與爾同病胡
為厲聲咆

己未五月日知奏事崔公宅

後為晉
康公

千葉榴花盛開世所罕見特喚李
內翰仁老金內翰克己李留院湛
之咸司直淳及予占韻命賦云

玉顏初被酒紅暈十分侵葩復鍾天巧姿嬌挑
客尋焚香晴引蝶散火夜驚禽惜豔教開晚誰

知造物心

自況予
晚達

謝知奏事相公見喚命賦千葉榴

花卉序

義景良辰多致桂林之仙伯重樓傑
閣無容冰谷之寒孫况若夢中喜生
望表恭惟某官虹盤烈膽玉立神姿
曾傾東海自然為激濁之波雖禿南
山何足作書功之竹小和嶠專車之
貴闢崔琳列戟之門桃李成蹊芙蓉
泛水論兵帳下無非黑槊將軍矣翰

堂中盡是青錢學士屬熏風之戒夏
岸踈幘以納涼于時濃綠成陰紛紅
如掃有千葉榴花之豔闔九光珠箔
之明點細的於丹鬚映紅襟於綠簾
吳王殿上西施飲卯酒三杯漢帝宮
中韓壽挾名香一顆物不虛出時然
後生尚卑潘氏之千房安數臨沅之六
實穠華可惜愛翫未窮而謂曰攜雲鬢玉
顏以同看難償秀色待錦章繡句之能狀
粗稱芳心遽馳折簡之書旋集能詩之

士如某者無大白吟芍藥之麗藻謝廣
平賦梅花之婉詞顧有何才亦參茲選
始揚眉而迴眄即給札以命文有人先談
雖幸容蟠木之朽遣吏輒報終未道
落霞之飛過蒙華袞之褒免被將督
之覆笙歌競沸羅綺交熏特張折俎之
筵俾潤生塵之筆飲若九仙之館卽酌
瓊漿榮踰百越之人暫加章甫始識
為儒之貴更鞭稽古之心妻孥改觀
朋友相賀揚身路近望三千里之鵬飛

祝壽情深期六萬年之黿代云云

百寶珠簾玳押新輕風微拂不生塵誰知畫戟
森嚴地却喚裋衣冷瘦身香炷濃熏噴玉穗酒
波浮動斂金鱗園中綠樹渾生子庭畔紅榴始
吐脣塵世那知千葉貴天工留作一番春露葩
半泫粧痕濕日萼深燃醉暈勻偷眼謾憐花解
笑搜腸空恨筆無神自稱中聖狂徐邈誤許能
詩短李紳半日暫叨堂上客一生應詫世間人
重恩欲報良無計但祝千年壽等椿

將赴全州幕府李中敏見贈次韻

卷之在王禪師方文作

別離無幾日誰與放狂吟
莫被霜欺鬢
惟將月照心
煙江鎔碧玉
露菊沸黃金
相憶是何處
萬山深復深

劉同年冲祺見和次韻答之

予語重金玉臨行吟復吟
君詩有酒色之誠
大山寧倒地
壯士不移心
綠蟻浮連海
青蛾笑直金
此時斟我意
訓誠不復深

九月十三日發長安將赴全州臨津
江船上與晉公度韓韶相別

遠浦烟拖素澄灣日浴金三人揮別淚斗覺海波深

九月二十三日入全州馬上書懷

北堂揮涕忍辭親輦母之官愧古人母以病不忽歸故云見完山青一點始知真箇異鄉身

謝按部李少卿儼許赴華筵明日以鹿髓見惠

蓮幕森嚴忝作賓歸來不似世間人更分香滑千金藥與護衰遲六尺身輕破筋端瓊屑散暖涓杯底玉膏勻欲知一倍精神壯官妓渾為媚

眼春

以戰予無心
於花柳故云

十一月二十日出宿屬郡馬靈客舍

重臺堂頭攜酒來訪以詩贈之

蕭條古縣枕山根只對村胥貌似猿一見暫開
詩酒會清談聊洗簿書昏寒雲冉冉侵松檻乾
雪騷騷響竹軒飲罷共嘗蒙頂綠蒲團藉坐旋
忘言

十二月日因斫木初指扶寧郡邊

山馬上作二首

權在擁軍榮可詫官呼斫木辱堪知呼為斫木
使處云

邊山自古稱天府好揀長材備揀攘
一聲鼓角鳥驚飛病恹寒威裂厚衣駐蓋鴈川
觀雪漲卸鞍犬浦待潮歸

是日訪金洞寺堂頭枯師

踏泥行觸道途艱日浸殘紅界遠山乘駟飛裝
雖似迫尋僧高趣乍如閑飢猿撥雪寒彌叫獨
鶴穿雲晚自還賴有故人精舍在相逢一笑暫
開顏

明日臨行用過客所留詩韻贈之
一樽相對酌松醪繾綣論情淚灑袍冰筋下垂

簷窗直雪花平合瓦溝高詩肩向曉成馳背病
鬚侵寒豎蠅毛昨夜睡鄉閑氣味倍償顛倒簿
書勞

扶寧客舍次板上李蔡酒純佑詩
韻

江山清勝敵瀛蓬立玉鎔銀萬古同俗習例多
如蠶子縣封誰信自蠶叢避風羸僕投巖下厭
雪飢禽落檻中只是年來情味薄元非不愛眼
前紅

題全州孝子里立石

立石標孝子不曾鐫姓氏不知何代人孝行復
何似伊昔魯曾參不入勝母里脫令見此石絕
欲卜隣寄

莫道為州樂四首

莫道為州樂為州乃反憂公庭喧似市訟牒委
如丘忍課殘村稅愁看滿獄囚也無開口笑况
奈事遨遊

莫道為州樂為州憂轉新怒顏訶郡吏曲膝拜
王人屬郡行春慣靈祠乞雨頻片時閑未得何
計暫抽身

莫道為州樂為州憂轉稠身無尺帛駸囊欠一
錢留妻恚頓難解兒飢哭不休三年如未去白
髮欲渾頭

憂深何以遣些少宴遊晨盞竿生青暈琴箏罨
素塵江山應蓄怨花柳若為春不是風情薄官
箴大逼人

戲呈太守

石濟舊邦稱勝地二天仁政屬賢侯訟庭無事
棠陰靜公退何妨載酒遊

正月十九日復到扶寧郡有作

蒲空飛雪落紛紛
弓劍相磨貔虎羣
來往八千餘步地
顛全捌扶指麾四十六州軍
曉寒虛閣生清籟
夕霽長天卷駁雲
門外幾人皆墮指
愧予猶擁綺羅薰

邊山路上作

旌旗光客路
鼓角壯人心
野鼠跳巖竹
山麝走覓林

二月日餞大守政滿朝天夜宿永寧寺

遠餞朝天客
閑尋結草僧
春寒殘雪在
日暮凍

雲凝古壁苔纏錦
虛櫺月耿燈
參軍乘暇日
卧任髮鬢髯

朗山縣監倉後有作

白花飛駱勝龍驤
行盡山邊一路長
郡吏來迎如老獍
村民走避似驚麋
千困已戢觀紅腐
一竿何妨酌碧香
可愧昔年閑放客
參軍掌記又監倉
奉宣旨省屬郡
究獄

紫殿溫言惡活人
黃沙喜氣散為春
此行盡放籠中鳥
遣作東西自在身

全州客舍夜宿書漏懷

一般男子有拈榮堆阜撐胸意未平盡日營中
猶曲膝五更窓外自呼名狂言屢發眉堪灸褊
憤難消癭欲生百計覓瘕難屈處寸心長共水
爭清

詠所居舍後竹笋

吏散庭空一事無開窓獨坐與誰娛此君當戶
攜兒稚正似任棠勸恤孤

庚申五月奉賀 赦表朝天遠馬

叅禮驛有作

玉函封了蠅頭表綺席聞吹鳳尾笙

記前日
封表宴宿醉

昏昏馬頭睡溪山十里夢中行

此去長安二十郵自此至京凡二十里草平沙軟路悠悠天

門欲賀金雞赦已覺眉頭喜氣浮

莫言作郡身如繫已喜賓天路不遙何羨神仙

王鄴令雙鳬飛向漢宮朝

六月日早發長安指全州中路遇尚

州持表先生同至楊村驛共宿贈之

共乘飛傳指天涯笑晤聊寬客裏悲雨滴油衣

元未著風飄紗帽不勝敬孤村淡淡人煙起一路

依依驛柳垂綠酒三杯君莫讓聖恩猶及旅

行時

詠懷

江南後宦愧徒勞
俸薄時時典舊袍
阻向中天瞻日月
厭看平地涵波濤
何時撲滅心中火
同席潛磨笑裏刀
指通不待任棠來
置雞奮鬣直欲拔
強豪

將向南原葵樹驛樓上次壁上詩

韻

烏園侵午出葵樹
片時留閑鹿眠深
草幽禽浴淺
濤山供滿目
盡風送一襟
秋丹入帶方國

南原古帶方國

天教飽勝遊

自南原到源水寺一宿還指南原
八印月驛次壁上詩韻

宿雨初晴草色新高
低原隰錯龍鱗
豈愁一萬五千步
早是東西南北人
楊柳不詞迎送慣
江山應恠往來頻
眼前風景勤須記
他日迴頭跡旋陳

六月八日鷺谷驛遇劉天院冲棋
小酌用小畜詩韻各賦

萬里天涯意外逢
夕陽煙岫碧千重
才雄獨作人中鳳
緣厚曾攀榜上龍
傷錦拙能慙郡寄
燃

藜大手賀儒宗

取同姓

殷勤更乞尋溪寺何惜齊鑲

過一峯

復和

多幸江南偶一逢破衫縫處更期重奇巖當檻
蹲頑豹迸笋穿簷走稚龍五斗解醒聞乃祖三
杯通道出吾宗好尋金洞期同醉莫憶巫山十

二峯

君壯向羅州故云

贈任實郡宰

珍重先生政似神一方歌頌腐民胥年豐野龍

嘉禾合訟息公庭碧草新莫憶銅龍曾接虎

自東宮侍

學出

不妨銀兔暫纏身
完山幕客誠無狀
腥臭

空慙鱖魚隣

渡赤城江

一葉輕舟載醉翁
夕陽行色盡屏中
平生聞說

花山好空望烟鬟點碧空

花山最奇絕
以日暮來到

自淳昌郡向全州
入葛覃驛用板上

諸公韻

夕陽歸旆樹陰中
南道山川一樣同
垂柳惱人
隨處綠幽花無主
為誰紅
郵亭閱遍經由客
野性誰如放曠翁
不作匆忙乘傳態
解衣閑卧一

軒風

寓居天龍寺有作

全家來寄碧山傍
矮帽輕衫卧一床
肺渴更知村酒好
睡昏聊喜野茶香
竹根遙地龍腰曲
蕉葉當窻鳳尾長
三伏早休民訟少
不妨時復事空王

自貽雜言八首

紫陌醉遊渾似夢
青山歸計亦違心
誰教俯首就衙勑
簿領堆高力不任

大守抱病長在餞
戴車多懶亦稀衙
唯同一箇

拙拙祿敲榜中間費歲華

黑石川邊堪避暑開元樓上可吟詩只緣官事
來侵軼十日猶難倒一卮

理無善狀皆推去政謝前賢孰借留昨日今朝
連罰妓但言書記勿風流

紅旗如火馬如虬獵得南山白額侯

聞有南山大虎頻出
害人予率軍擒之

莫道書生無膽氣鋸牙刁齒落吾謀

化邑由來貴清淨故看吾祖五千文一篇讀了
心虛寂反欲休官入白雲

身非羅剎與閻王日閱羣囚謾斷腸笙笛慣聞

猶或厭况聽楚毒可無傷

道直無人不作讎初心不意數旬留今年又見
秋強半笑我翻成繞指柔

八月二十日題楞迦山元曉房并序
邊山一名楞迦昔元曉所居方丈至今
猶存有一老比丘獨居修真無侍者無
鼎鑪炊爨之具日於蘇來寺趺一齋
而已

循山度危梯疊足行線路上有百仞巔曉聖曾
結宇靈蹤杳何處遺影留鵝素茶泉貯寒玉酌

飲味如乳此地舊無水釋子難栖住曉公一來
寄甘液湧巖竇吾師繼高躄短葛此來寓環顧
八尺房唯有一雙屨亦無侍居者獨坐度朝暮
小性曉師俗号復生世敢不泯倮

次板上資玄居士韻二首

楞迦山迫秀百舍試來尋二聖影留室元曉真表千
年煙鑱林身雲雖不任性月本無沉蓮舍容吾
否空門宿習深

勝事聞來久神蹤杳莫尋幽龜飢出壁獨鶴倦
投林塔影侵陰斷鍾聲度遠沉何當解墨綬聊

此結茅深

又題不思議方丈并序

不思議房者昔真表律師寓居修真
而慈氏地藏顯身授戒之所也有木
梯高可百尺緣梯而下乃得至於方
丈其下則皆不測之壑也以鐵索引
其屋釘之於巖俗傳海龍之所為也
虹蜺矗危梯脚底長迴身直下萬尋強至人已化
今無跡古屋誰扶尚不僵丈六定從何處現大
千猶可箇中藏完山吏隱忘機客洗手來林丈一

辨香

李林甫集

十一

次韻高先生抗中獻廉察尹司業

威并序

昨承廉按學士垂示高先生所進長
篇仍命賡和未及構思復承指麾到
臨陂郡因雨留客館始得和成一首
奉呈行軒云

年小曾輕薄佯狂遂至今公卿誰躡履貴公
或攘襟落魄從人笑窮通信命謀冰清門始闢
玉立笋交森

予於公之舅公

謬接瓊筵密頻承玉醴

斟及公登藥省稱我遍詞林

公在省與諸郎上劄子藏之

富貴堪羈

致功名詞逐擒越人榮王冕嫫母入鴛衾許啖
牛心炙容趨鶴蓋陰幸今叨外寄贏得免平沉
理邑那興頌居官但守箴尋常親事碎何假務
書淫恤獄情頻惻摧強力不任家鄉思杳杳歲
月送鬢髮多幸彤霄使時巡碧海潯英名才八
斗貴相腹三壬一見清姿凜方澆燥肺煇蓮依
玉儉府絃續白牙琴似對三冬罌如開十日霖昨
投江郡僻獨倚客軒吟雲未驚寒鴈林間叫雪
禽縣胥傳喜語使旆度前岑街卒鳴鍾鼓厨人

既金焚蘭竚瞻行色至忽及晚光侵見句髣髴斷
含毫咏盡黔幽懷空悵悵獨坐靜悄悄地狹將
誰語情深反似瘖感時頻脉脉懷舊忽喑喑阻
側綺羅席想聞金玉音何時逢勝景竟日對華
簪戛玉箏聲咽傾河盡底深有山皆共賞無水
不同臨染翰搗華藻挑燈話舊心若觀高老宅
許我共遊尋

高生在沃溝縣寒窘無家公以故人
之意使其郡構宅宅成欲親往觀之

走筆賀高先生宅成無叙廩察命

構之意

今世人情秋水薄朝為兄弟暮行人窮相別頸

達即棄始末誰肯思情親尹公獨是古君子與
君為友如雷陳公是一方星使貴君為窮谷巢
居倫人間榮悴雖異勢心似金石無淄磷念君
窮如在轍鮒憐君窘若失林麋命開新宇咄嗟
就飛軒翼翼瓦鱗鱗十月天寒雪盈尺南窓負
日暖於春渾家歡笑有生意祝公眉壽倒靈椿
父老驚集賀成屢植羊撾鼓動四隣我本不欲
蓋人善一聞此事淚沾巾會待甕頭浮綠蟻幅
巾往作外堂賓一篇長句書異事異日當付修
史臣

還琴詩贈崔巨龍

書生不合學伶官拙政那期單父彈暫借旋還
綠底事無人傾耳聽高山

橘盞

摘自霜林色尚新擘為金盞爛堪珍
老翁雖失商山藥我輩欣斟若下春

自古阜夜入金溝縣書壁上

凌晨離古阜侵夜入金溝貪吏猶逃鼠
愚民似沐猴月華清可掬嵐色遠如流
鳬舄歸何處鰲

眉獨笑留

時縣令
不在

戲金懷英

懷英予故人也自京師來訪予居數
日而將行吾固留之不可因喚伴寢綠
雲鬟然後笑留之予戲為二絕贈之

留君無計別君難故向青樓喚綠鬟異日長安
一場笑玉顏才笑解歸鞍

憐君情調笑君愚留為紅粧不為吾請問群花
誰管領主人未領亦攀無

東國李相國全集卷第九

古今圖書集成

一

子

東國李相國全集卷第十

古律詩

二月復指扶寧郡馬上讀小畜詩用
茶園詩韻記所見

分憂無暇日乘駟走平原是處花迷路誰家竹
鐔園藤纏扶倒蔓槐什露孤根逸駕如鞭鶴輕
裝可趁猿湖天春霧暗蠻店瘴雲溫苔活添新
暈潮狂過舊痕入村逢鷺社望海問鰲番古堰
晨開閤空城晝掩門郡胥迎導路邑宰出開樽
役役皆王事陶陶亦聖恩沙邊鷗獨舞林表

李賀集
鳥能言父老休驚避書生不自尊

題浦口小村

流水聲中暮復朝海村籬落苦蕭條湖清巧印
當心月浦闊貪吞入口潮古石浪卷平作礪壞
舡苔沒卧成橋江山萬景吟難狀須倩丹青畫
筆描

萬頃縣路上

長川界斷橫來燒深谷留蹄怒暢風嵐瘴熏人
辦何事無端釀作老蒼翁

再入臨陂郡

古縣依然接水湄前驅紅旆拂林歸往來唯有
鸛相識衰病那堪馬似飛客舍新除垂柳路人
家半掩映花扉叅軍孤瘦難堪見士女何須聚
作圍

二月又到保安縣江上課木

一春三過此江頭王事何曾慙未休萬里壯濤奔
白馬千年老木卧蒼虬海風吹落蠻村笛沙月
未迎浦客舟擁去騶童應恠我每逢佳景立
遲留

戲題法師津

夢村園集
二
淵源未靜多渾濁風浪頻興似怒瞋畢竟難看
心湛處何人呼作法師津

大浦偶吟

無端馬上換星霜望闕思家倍感傷紅日落時
天杳杳白雲缺處水蒼蒼雨晴草色連空綠風
暖梅花度嶺香薄宦江涯良悵悵春光何況攬
離腸

江上晚望

日暮江雲鎖不開漁翁吹火釣魚臺海風吹送
飄空焰四月涼螢點點來

沃野縣客舍次韻板上蔡學士寶文

梨花詩

初疑枝上雪黏華為有清香認是花
關却寒梅瓊臉潔笑他穠杏錦趺奢
飛來易見穿青樹落去難知混白沙
皓腕佳人披練袂微微含笑惱情多

偶書

河東毀譽日紛紛過耳飛蚊不足聞
理劇本非吾輩事舉杯自号醉叅軍

讀本草

政拙心勞病切肌世間萬事折肱知二毛作郡終
無用欲讀方經作老醫

十月八日遊景福寺明日訪飛來方
丈始謁普德聖人真容板上有宗
聆首座李內翰仁老所題詩堂頭
老宿乞詩依韻書于末云

忽憶山中胡眼碧暫輟簿書斫墨赤身先飛鳥
躍半空膺共騰猿攀絕壁幅巾長嘯到寺門又
與蝙蝠爭黃昏天明扣鍵飛來堂至人已化雲無
痕吾聞普德信至人一卧盤龍幾許春

初居高句麗盤
龍山延福寺

嗒然隱几如喪耦唯與十一門人親

初有十弟子後得明德為十一

至人

變化真有餘擬將一室飛空虛自言吾生信過客

視世尚欲如蓬廬此地何復著我房達人知幾

猶履霜

普德謂弟子明德曰高句麗唯尊道教不信佛法不久滅亡安身避難有何處所弟子曰新羅完山有高達山安住不動之處

普德聽之動作過夜至曉開戶出見堂即移在高達山

却遣椽椽生羽翮過眼難容

掣電光若顯神通百千種刺地出泉如快腫明

德胡為恨示移

明德曰此山雖奇絕泉水枯渴我若知師移來則必并移舊山之泉矣

聖人有時

藏妙用聊向人間示有礙細思此理真自在莫

言只是十六楹大曰須彌堪納芥吾師何年極

此山一笑萬古彈指間我來記舊吟索句博得

雙鬢添詩斑

是日宿普光寺用故王書記儀留
題詩韻贈堂頭

夢斷山窻落月光
聳肩吟到日蒼涼
地溫尚有林衣綠
園古偏多木耳黃
七晚香茶風鼓腋
一盤寒菓雪侵腸
若將釋老驅鳧乙
莫斥吾家祖伯陽

十二月十九日被讒見替發州日
有作

早圖斂退偶回循
竊禄忘着果辱身
詣吏自明猶

未得無効仰天大笑更何陳
讒人尚在誰投虎
吾道難行謾泣麟
的是前生曾有債
不須惆悵也傷神

路上有作示甥壻韓韶

韶自京師至全州迎去

簿書顛倒二年強解綬
歸來夢一場
道直誰憐元似矢
鬢斑爭奈漸成霜
滿山寒雪懶迴首
一路斜陽空斷腸
千里遠來深有意
為吟長句示

韓湘

二十九日入廣州贈晉書記公度

偶霑微禄宦江南
其奈為州力不堪
未學舌柔

甘自責本無毫犯亦何慙完山醉夢方驚罷漢
邑歡遊又正酣賴訪名都賢管記窮愁瀉了一
燈談

發漢山路上戲作示韓韶

玉臺別後無由見春鳥呼提似有情還有一條
寬恨處鞍傍掛得典刑行

有官妓小紅
莊家名臺

自嘲 入京後作

冷肩高磊落病髮短蕭疎誰使爾孤直不隨時
卷舒誣成市有虎正坐水無魚只合作農老歸
耕日荷鋤

杜門

為避人間謗議騰杜門高卧髮髯髻初如蕩蕩
懷春女漸作寥寥結夏僧兒戲帝衣聊足樂客
未敲戶不須應窮通榮辱皆天賦斤鷄何曾羨
大鵬

得黑貓兒

細細毛淺青團團眼深綠形堪比虎兒聲已懾
家鹿承以紅絲纓餌之黃雀肉奮爪初騰蹂搖
尾漸馴服我昔恃家貧中年不汝畜衆鼠恣橫
行利吻工穴屋齧齧箱中衣離離作短幅白日

鬪几案使我硯池覆我甚疾其狂欲具張湯獄
捷走不可捉遠壁空追逐自汝在吾家鼠輩已
收縮豈唯垣墉完亦保升斗蓄勸爾勿素餐努
力殲此族

草堂與諸友生置酒取王荊公詩
韻各賦之

年來腰帶漸寬圍夢繞青山尚未歸曾被營營
未點白春寒猶恐有蠅飛

又和二首

薄寒不用妓成圍劇飲須教客倒歸罷郡閑居

君莫言野禽方喜出籠飛
碁戰爭雄正對圍醉鄉得路共尋歸少年習氣
猶依舊雪色蠻牋筆似飛

遊竹州萬善寺次板上諸學士詩

韻二首

寺藏青草暗路入碧蘿深谷密閑雲聚園荒極
燒侵曉風饒鐸舌夕月浸潭心好在青山色休
官欲重尋

曲澗水微咽空巖雲自迴烟輕霜練靜山嬌盡
屏開黃犢馱童去青猿送客未為憐風景好下

馬更低徊

自竹州昇母攜姊將赴長安示甥

壻鄭生柔

輦母又將姊崎嶇赴上都欲封王子股頻燎李

公鬢

時母姊皆有疾

迸淚樹鸛轉斷腸山鳥呼憑何寬

旅恨童背負芳壺

分行驛樓上次金學士黃文詩韻

雞林好事者吟詩留作多情朝暮思櫪馬喧
嘶殘月曉枝禽噪集暝烟時北還南去路何
限古往今來人自悲日落水流腸斷處郵亭

無語閱興衰

題沙平院樓

瘦馬行遲路阻脩卸鞍聊復此淹留征驕滿道
初嫌閑獨鶴號林始愛幽萬丈飛橋虹繚尾千
艘列舸鷁駢頭時列舟為梁江山滿目吟難狀烟月無心
望自愁沙逐人歸何日盡水朝海去甚時休故
人不見增惆悵落日茫茫莫倚樓

慧陰院次林學士義叟詩韻

故園三逕忍教荒
匹馬何之又夕陽
柳色依依風挽翠
松花撲撲雨黏黃
葵收鴨脚村烹好酒

漉魚涎野釀香迎侍慈顏歸洛下此遊不是費
年光

城東草堂理瓜架

手種園瓜學古侯滿畦柔蔓綠絲脩與渠萬丈
綠雲架走掛天涯始可休

次韻盧同年攜酒見訪有詩

此身如繫不能飛寂寞張衡詠四思無賴夕陽
還送恨多情芳草可勝悲簷間語鷺還留客枝
上啼鶯又喚誰賴有玉川十日酒賭他賓客綴
珠詩

次韻朴上人

未除舊習猶中酒已謝浮名更外身
道直自甘人共弃情同唯有子相親
繁開芍藥歌紅頰爛熟櫻挑點絳唇
多喜新詩堪咀嚼冷然洗我筆頭塵

辛酉五月草堂端居無事理園掃
地之暇讀杜詩用成都草堂詩韻
書閑適之樂 五首

懶惰無心賦兩都況堪著論效王符
緬思潘閭三峯好且任陳蕃一室蕪
小塢移花邀客看此

隣有酒遣兒沽何須點檢人間事出處悲歡命
笑夫

欲歸江郡詠汀蘋尚滯京華失鬢春自踰灌畦
閑老圃皆呼傲世一高人談筵落屑空驚客睡
榻鳴雷幾撼隣酒渴時時復底物櫻桃子熟摘
嘗新

不把余愚自汚溪幽栖粗免宦途迷披襟快却
風未北隱几從教日向西世味淺深曾染指人
生得喪已忘蹄半窓林影搖森翠讀罷書頭驚
落泥

半卷疎簾獨倚欄
雨聲淙瀉劇驚滿
橫雲尚有暗千陣
落日不知餘幾竿
遇客只須浮大白
學仙何苦鍊還丹
為言隣叟好來往
除却閑談逸老難

古來達士貴知微
田園將蕪何日歸
莫問累累無若若
不曾是是況非非
隨車醉者只全酒
把甕丈人寧有機
禦寇南華如可作
吾將問道一搥衣

又次絕句六首韻

林疎空自籟
雨細不成泥
隨羽爭巢雀
中吭呌

屋雞

飯殘飢鳥喜釀熟亂蜂多
小圃雨初過香蔬添
幾何

掃地林餘影鋤園樹礙根
人閑如老衲地僻似
山村

曲塢花迷眼深園草沒腰
霞殘餘綺散雨急亂
珠跳

閃閃風搖幔微微日瀉簷
苗肥黃耳大柳弱翠
腰纖

送老唯芳酒驚人忽晚花
乞茶憑岳叟看竹懶

隣家

又次新賃草屋詩韻 五首

杜門無客到，煮茗與僧期。
荷耒且學圃，歸田當有時。
貧甘老去早，閑厭日斜遲。
漸欲成衰病，踈慵不啻茲。

寓興撫桐孫，虛心對竹君。
林深鷓鴣哺，子園靜鳥呼。
群坐石吟移日，閑窻卧送雲。
塵喧即咫尺，閑戶不曾聞。

點點堦苔紫，茸茸徑草青。
殘生浮似夢，破屋豁於亭。
不省空囊倒，猶嫌一日醒。
詩成誰復愛，自

寫枕頭屏

心已如焦穀人誰射
弄沙老於詩世界謀却酒
生涯默笑觀時變閑吟感物華
在家堪作佛靈
運已忘家

寧爲學稼老耻作出貲
郎賦食籠狙類忘機入
鳥行深藏玉自貴不採蘭
何傷獨喜童鳥輩蹢躅
繞我床

雲上人將還山乞詩

空門本絕去來想臨別何須更黯然
莫恐紅塵
隨白足洗迴還有出山泉

賀文長老得寺

公道如今尚不隨名藍還到一清竈老龍得瀨
方專穴瘦鳳尋梧始占枝山水風流真勝地鶻
花時節是歸期我今懽抃先來賀不爲吾師也
爲時

苦雨歌

雙韻下
犯傍韻

愁霖一月如懸河晝夜昏黑藏羲娥已聞街巷
游蛟鼉復患連除生蚌螺高墻忽倒卧橐駝短
屋還頽仆馬驟雷公揮劍刃似磨壁間躍出陶
公拔直教平地轉盤渦南宅東家放鴨鵝城中

萬屋浮濤波大者如舶小如艦一國正作海中
倭擬營舡舫相經過江湖混混莫分施空舟獨
艤無漁叢蓬蒿蕭艾與綠莎時裁得意盈山阿
可惜南畝漂嘉禾其奈四海蒼生何甕中羹酒
香已訛詐可酣飲令人醺箱底芳茶貿味多不
堪烹煮駢眠魔掩被雖欹寐無叱打窓喧雷可
從他几百防人多趺蹉久矣此雨傷天和鳥藏
巢底蜂藏窠路絕車馬無鳴珂此時行者理則
却泥沒腰脊况襪靴我幸杜門聊養病日晏而
興誰復訶率然忽作苦雨歌

七月三日作

雨久却愁天腐爛風狂猶恐嶽飛騰
深泥沒脛街成海尚有敲門一箇僧

夜霽

娟娟天上月相見間何闊好在佳人面
令我心大豁

鸚鵡

衿披藍綠蓓丹砂都為能言見
爵羅嬌婉小兒圓舌溢玲瓏
處女惠容多慣聞人語傳聲巧
新學宮詞導字訛牢鑠玉龍無計出隴山
歸夢漸

蹉跎

腹鼓歌戲友人獨飲

君不見豪家子宴華屋撾鍾擊鼓間絲竹城
西先生獨不然醉後高歌鼓大腹是中可容數
百人亦能貯酒三千斛膏田得米釀醇醅數日
微聞香馥馥何必臙槽絞清汁頭上取巾親自
漉一飲輒傾如許觥佐以辛葠或腥肉腹為皮
鼓手為捶登登終日聲相續隴西窮叟得酒少
矮屋低頭鶴俛啄腹如椰子猶未充只見青盤
堆首著暫盛水漿俄復空有如蹴鞠氣出還自

縮邦將雷吼飢腸聲往和先生鼓腹太平曲

大醉走筆示東臯子

我昔在何處笙簫宮殿有無中鉤天廣樂夢正
酣何人引我踏塵紅大地不能載我足大山不
足吞吾膏軒然要出六合外六合之內輟皆窮
茫茫丘隴不可望今古忍埋龍虎雄蓬萊山在
海中央碧玉秀出知誰鏤君先去我當繼何必
論天仙地仙水僊宮

詠鷄

出海日猶遠乾坤尚未明沉酣萬眼睡驚破一

聲鳴素食呼雌共誇雄
遇敵爭吾憐五德備莫
與忝同烹

義人怨 迴文

鴈斷啼鶯春落花紅
簇地香衾曉枕孤玉
臉雙流淚即信薄如
雲妾情搖似水長日
度與誰數却愁眉翠

同前 雙韻迴文

晴園春好花齊綻
輕吹飄空飛絮散
明鏡臨牖微步緩
英華減損紅顏換
瓊佩整腰揜玉腕
盈盈尚注嬌波眼
箏聲一再哀曲慢
頰頰雙流珠

淚渙征子客歸來
緩緩鸞語聞來腸
盡斷清夢孤飛長
夜半鳬楹炤月閑
來伴縈繞深愁千
緒亂情緘織錦紅
文爛行人絕迹無
鴻鴈程遠恨長天
碧漫

天壽寺鍾義師方丈夜宿 二首

煙寺侵昏訪風箏
徹夜聞水瓶餘冷
滴香篆有殘熏

月出高山迥風生
小閣虛我如棲寺
鶻來汗梵僧廬

鵲巢

我本賦命奇名宦
歎遲暮汝將報何
喜栖樹正

當午翩翩含枝來
鴟鵂挾鷺羽
吾聞君子人禍
福任天賦
鶴集不足賀
鵬止不爲懼
而我老多
感好怪類
巫瞽况復懲
久窮占瑞儻
有遇見此
靈鳥
衽喜色見
眉宇汲汲望
巢成搥眼仰
高樹
飲酒有作示坐客

平生我所悲
今日逝成昨
昨積便成昔
應應今日
樂欲爲後日
忘今日極歡
謔

燈夕入闕有感 二首

兩部笙歌清碎玉
九門燈火爛分星
愚儒不及
倡優輩猶著
緋袍入
帝庭

玉殿今宵宴侍臣十分宣勸醉淋身蛾眉班上
插花容未必純爲過我人

王明妃 二首

若將一女便和隣何恨胡沙委玉人狼子貪琳
終莫厭可憐虛辱後宮嬪

廟笑難降獷悍倫反將宗女結和親漢庭無限
垂紳客不及椒房一婦身

謝文禪老惠米與綿

我家全盛時鑒甌炊香玉馱飲不下匙况肯食
脫粟雪色蜀蠶綿十介方一掬費之不甚珍柳

絮空飄揉坐此今困窮家無擔石蓄饒口長流
涎浪撫雷鳴腹九月霜天高一夜風落木單衾
劇鐵寒身若凍鼈縮忽得一絨信贈我心所欲
晚炊寒竈中青烟始生屋披白薄衣中如負冬
日燠爲感仁者心蛟眼淚相續

次韻崔相國詵謝奇平章贈熨石
銅壺滴漏隔窓間暫借餘溫度夜分辟破寒威
屏尚愧暖留殘夢蝶猶欣尚餘荀令香烟惹好
倩羊公炭屑熏一片貞珉賭珠玉奇公叙謝固
宜勤

與天台兩大士讀杜牧詩以詩贈之

晝卧一床上紅日射虛幌有僧來扣門啄木敲
鏗響起揖攜登堂出語各清亮綠頂寒山高碧
瞳秋水爽袖出紫微詩欲與詰其疑茲詩苦深
峻諒非吾輩知譬如清江色淨渌同瑠璃傍觀
信可愛入泳迷津涯又如大厦中墻壁輝髹彤
之樞與雲縈映日爭玲瓏外可悅壯麗內實眩
西東東西猶且眩奧室焉能窮又如霜夜寒皎月
掛水盤清光如可攬仰之不易攀我性若狂醒
於學無所精口吃語未總講詠多訛聲三謝不

李杜集卷之十
得已強欲探其味
昔日所未曉為君真抉髓
非我能曉子子實曉吾意

沙平江上偶吟

落帆江口久踟躕
俯鑑澄波默數鬚
草合岸邊纔沒鵲
潮來汀際似迎鳬
篙工坐識水深淺
沙戶能占風有無
急覓霜絲湏盡去
一雙閑鴨睡殘蘆

溫上人所蓄獨畫鷺鷥圖

君不見翰林筆下曾解導
心閑未去獨立沙洲傍
何人盡手得神授
丹青妙意髣髴歸謫仙
腸我初

未識盡工趣支願倚壁私商量既寫江湖奇絕
致何不盡漁人舟子來往遊倘佯既寫鷺鷥得
意態何不盡遊魚走鱗出沒行洋洋潛思默課
始自知意所未到於焉藏白鷺見人處拂翼沙
頭決爾一起驚飛翔白鷺窺魚時植足葦間聳
然不動難低仰那教雪客閑放態遣作黃雀多
驚忙此意識者小吾作歌詩始翼揚

讀林椿詩

一枝丹桂雖無分百首清詩合有聲英魄如人
何處在兒童猶解說君名

除夜宿匡陸有作

神岳苦寒誰更惜

冬至祭宿松岳苦寒

匡陵守歲自猶吟青衫

大祝人休笑每賭新詩一首迴

以微官常為祝史三

早春

草木含新態江山換舊顏
頽隤餘冰谷子尚作去年顏

戲作雨中小牡丹歌

春欲去萬物各悽然
相將欲設餞春遙烟籠高
柳展翠幙霧為祖帳張
其前落花先作錦茵鋪
餘花含露涕漣漣
酴醾花是餞春醴
蝶釀蜂嘗

灑以雨鶯爲送春歌鸞爲送春舞東君大醉倒
且顛是夜不去許留連夜深欲命薦枕女桃頑
杏鄙無可憐唯有花王小女子年少嬌饒顏最
美此花是夜嫁東君含羞尚未開笑齒東君貪
翫留數日日夕花心方嫵媚炎帝駸駸交代來
東君歸意何由弭君去也花慘然紅臉至今猶帶淚
早天見灌田

嘉生未秀半焦枯但問來雲作雨無損損灌田
真可笑千畦一滴若爲濡

八月十四日翫月問客

李相國集卷一
一十九
翫月必三五當以明日期陰晴未可料問月月不知何以決猶豫問之拍間著其初得習坎四變乃之頤飲食猶可異雷水象可疑若知明日雨今夜翫何虧以此報賓友肯之無異辭未及設觴酌素娥來窺

東國李相國全集卷第十

東國李相國全集卷第十一

古律詩

六月一日遊安和寺自尋芳門登環

碧亭

穀廟遊賞處

悵然有感夜宿幢禪老

方丈書一百四十字

玉欄誰更葺芝蓋不重遊環碧雲空鑠尋芳草

正稠畫簷欹縹緲苔石卧蒼虬園鹿遊臺榭巖

僧記晃旒

有老僧自言親見前朝來遊

廢興餘老木今古獨寒流往

事憑誰問幽懷只自愁好花嬌笑靨啼鳥送歌

嘆舊代仙蹤遠中興王氣浮烟花愜清賞山水

夢相國集卷三
入窮搜吊往孤亭寂尋真一室幽白蓮邀靖節
黃蘗引裴休桂魄三更畫松風六月秋鍾聲敲
樹外人語落巖頭萬景吟難盡他年入夢不

全履之見訪與飲大醉贈之

我家計拙酒錢空我客才高交契密貌甚閑暇
來座隅忍把清談空遣日典我身上藍縷衣換
此一壺清且溢觥觥屢倒興復酣有如狂馬泛
駕欲奔軼振搖林木我放歌倒瀉江湖君絕筆
歌雪憤兮鹿聲長筆洩怒兮猛勢逸何者是賢
愚何者是得失得者未必賢麀頭鼠目翔貴秩

失者未必愚瑰意琦行抑蓬華吾儕齷齪何足
言如子雄豪取爵不可必神龍未起通龍昇左
道乘時直道黜與子論平生平昔鬱腸醉後盡
嘔出撫劔起舞坐更飲一抔一抔聊復一

甘露寺

金碧樓臺似翳翬青山環遶水重圍霜華炤日
添秋露海氣干雲散夕霏鴻鴈偶成文字去鷺
鷺自作畫圖飛微風不起江如鏡路上行人對
影歸

次韻文長老未開金錢花

早夏移根用意裁，尚含檀口待誰開。
千金欲買嬌顏笑，自負錢多不肯迴。

書文長老月傾扇

薄雲斜蹙手中橫，金粉微含雪暈輕。
想得共工觸山後，天低西北月輪傾。

贈文長老

暫趨十二街中路，長憶三千里外山。
文公有長往之志莫學閑雲空返岫，好將膏雨澤人間。

訪覺月師用東坡詩韻各賦

步步行隨入谷雲，自然幽洞辟紅塵。
已將蚊雀

觀鐘釜曾把螟蛉戲搢紳
俯仰歸來推幻化死
生得喪任天鈞多師雪裏
猶賒酒借與山中一
日春

明日師挽留迫事幹固還書一絕

高人高卧愛身閑閑掛
枯藤不出山愧我翻如
巖下水迴斜縈屈到人間

十月五日陳準見訪留宿置酒用

蘓軾詩各賦

端坐蕭然肖衲僧愛君閑話更挑燈人呼白日
無雙客身到青雲第幾層况有新詩清似玉解

教塵眼冷於冰少年氣逸應欺我沈約衣寬漸
不勝

後數日陳君見和復次韻答之

冷淡生涯狀較僧羨君豪眼慣饒燈醉携紅袖
香生座冷罷瓊樓月上層賀得茂松偏是柏映
未潤玉必須冰

陳未娶故云

過門忍促朝天馬空望青

雲悵莫勝

陳時為內侍將赴閣過門示八

不招碁伴即詩僧斷送長宵只一燈讓蝶雪微
猶解舞學峯雲淡不成層瓶舍何恨啼爐火筆
惜餘尖怯硯冰賴有珠璣落窮巷爛盈襟袖重

歎勝

陳君復和又次韻贈之

朝退時時愛訪僧又逢閑客共暮燈尋山雨帽
低沉角趁閑風纓堅作層湘淥飲傾杯面玉蜀
箴吟染案頭冰九原可作如相較李杜於君定
孰勝

憂喜忘來似定僧任他金粟巧排燈琳條蔭地
強千丈玉隴通天僅萬層皆黃庭養生事睡美功夫深巷
雨夜寒消息一瓶冰卜商肥瘦君何問已覺紛
華戰不勝

文長老見和多至九省每篇比日警

策遲鈍勉強備數奉賡耳

十載西堂擁耆僧

普濟西堂
禪子所聚

古山歸夢一窓燈幾

千可使容鵬背第五須看占鵲層

文未得
寺故云

蟾吐素光

窓有暈龍腥白氣并無冰叢林勅敵知多少杭

名乘流一鼓勝

攪了黃梅七百僧却來無語對金龍燈開書滿案

風開帙高塔摩空月倒層銀葉燒香朝有火石

鐺留滴夜生冰莫貪負黃獨輕泥詔一紙銀鉤懶

尚勝

啾啾獨笑一閑僧此是香嚴老龍衣燈心地自涵無

盡藏道天曾上最高層月松白好人脣膾師嘗題普賢寺

大路長門外入南其松老品邊月古今最警策自是人言有松高雨竹篇清御眼冰上召師赴內使賦雨竹詩意實不塞

壑填溝功不淺趙州伎倆有誰勝

語帶天仙不帶僧到頭吟盡幾番燈吟聽秋雨

芭蕉響紅賞春風躑躅層未必老禪工鍊玉只

緣清質本如冰友即况有降魔手移作詩鳴世

孰勝

一片心轉面壁僧歸未燃却百千燈立從白雪

腰侵冷痛覺神峯頂聳層道境漸佳如啾蔗家

風長爽似懷冰何人好事貽霜塵

崔宗落贈塵尾

從此談

鋒漸未勝

珍重能文江右僧相逢無處不添燈
禪河容我曾分滴詩壘因君更築層
倚檻共吟穿戶月問山同過鑠溪水
憑師若許叅蓮社汲水肩新力足勝

懶將茶品鬪吳僧愛把清樽醉鳳燈
手澁未調金露液骨昏難躡玉臺層
計乖南鴈寧違雪身似東蠶已慣冰
粗報君恩便歸去覓癡群謗可能勝

綠綺何須清蜀僧
白彈幽韻伴青燈
壯心不復虹千丈
平地無端浪百層
故國夢歸穿碧岫
殘宵酒渴嚼渾冰
片時未見曹溪老
雅興閑懷兩未勝

寂寞如今學老僧
繁華曾閱馬行燈
題詩舊習言餘綺
作邑遺痕骨露層
潘岳年來雙鬢雪
王沉門外一身冰
腰黃未必皆豪傑
百擲千擲簫偶一勝

尹同年儀見和復次韻贈之

啖未夜芋證衡僧
看打春毬記月燈
仙墨未乾

丹桂籍天香行染博山層到頭蒼手晴飛雪子與

餘事琴聲冷軋水君學趁日携遊償得不數年

離恨不堪勝

自覺勞生豈待僧都官病眼漸嫌燈醉中華戰
堪嚴陣夢裏天階尚阻層白鳳落毛飄袂雪老
鮫泣蒲髯冰馬韓遺憤君何問巧舌那將宜
道勝予自全世被
謾見罷故云

夜宿陳華家大醉書壁上

班生古者史之雄筆頭不駮陳孟公當時豪焰
摩青空酒酣使氣飛長虹閉門留客投轄醉一

樽不領人間事子雲鉅儒好文字陳說酒客與
法士空瓶獨在井之眉腹盛水漿何所爲搗八
井中誰復悲滑糝可愛唯鷓鴣陳公差樂張竦
苦醉亦何害醒何補百世之孫君獨步坐酌東
海自吞吐醉中不覺升青天一聲踏碎瑠璃甌
寅緣漸到紫皇前霞冠玉弁風吹顛是時周公
孔丘皆在後相看彈指復又手皆言子昂李白
上到天仙今已久詩之鳴者復誰有子可嗣唱
何遽離人生遣之復還補以陳公大白之心精
所以鍾其靈芻襟五藏日益泓而清君不見高樓

雖百層正合著陳登如我卧地猶難勝

陳君見和復次韻答之

陳郎年少氣尤雄指麾電母鞭雷公斗膽可吸
江湖空有如跨天萬里飲海之長虹金鍾行酒
日日醉吟詩作賦渾閑事袖携聯珠數百字扣
門爲訪狂居士居士老矣霜欺眉造物以我將
安爲一生獨把窮途悲他人脚底大行巫峽猶
平夷鍊石五色空自苦天固不缺何所補子亦
於吾何異笑百步雖側金門滿腹琅玕猶未吐
相逢共幕劉伶天醉倒况有支頭孰是時白雪

舞簷前輕薄柳絮飛狂顛箇中風流不落李杜
後洒翰飛文皆老手莫詞促席留連久此會人
間信難有諸公舉酒屬先生共導先生曾中何
物以爲精自君之生天不聖地不靈山失其秀
水失清宦路高高千萬層期君穩穩上頭登蒼
生重望非子復誰勝

陳君復和次韻贈之并序

某近承盛作多矣近體短章誠清警
絕妙唯未識長篇巨韻中縱筆放肆
處故以長篇試之今蒙所和新篇辭

語奔放固在天地六合之外甚嘆甚
嘆更何言哉

風騷壇上吞群雄一出奇語驚人泣鬼倒天公
靈玉雖藏氣射空我恐騰精掣影上天化作五
色虹讀之冷然洗我醉擬刻青瑤傳好事君詩
不獨騁文字意欲使我酣歌痛飲不作酸寒士
謂言人生戚戚不展眉安用男兒爲東流之水
不須悲直到崑崙頂上倒瀉河浪囚馮夷作詩
何用蟲吟苦他年文苑傳半紙書名又曷補君
起舞月隨步口可飲酒是非戚否何曾吐我今

行山亦關天碎擊僅免青州輒

自全州罷來

舊交零落

過眼前邇來獨坐誰與放狂顛晚識即君一笑
論心後是處相携惜分手人間局東不堪久安
得作神遊八極大鵬與希有箇兒東方生豈是
帝臣乃是天上歲星精千年一實蟠桃靈笑履
東海何異褰裳涉淺清君不見蓬萊宮闕高層
層非有仙骨無由登金丹未就悵望情何勝

尹同年儀陳同年湜陳澤見訪用

劉賓客詩韻各賦

二年蓬轉久離根邂逅寒暄只一言邀醉散仙

天是幕鏤留歸客雪爲門數篇詩句閑中迫一
局碁聲靜裡喧到處逢場即仙覽九霞觴蒲草
輕翻

明日尹君復見和次韻寄荅

草堂蒲渾斗城根閑把南華獨寓言誰謂幽居
如避世有時高駕或敲門觀碁遺迹衣生皺省
酒奇功語滅喧可恠先生多事在通來禪語似
瀾翻

尹君好
禪談

伯陽仙李本靈根關尹逢來爲吐言鼻祖昔曾
相契意雲孫今喜復同門嬰兒氣祕三關固初

婦詞高萬口喧相子形容真貴表會吟紅藥蒲
階翻

韓生韶赴禮部試不捷以詩慰之

英英文公百世孫文字超放謝吟陌鱗窮暫縮
蹄涔卑足逸寧循蟻封窄軒騰不合時人容射
策金門頻點額假教猿臂一不中誰謂終無飲
羽石不須勤戴千佛名知爾須登列仙籍請看
今歲狀頭郎飲墨當年黔吻客為君欲作打毬
噪浪無新釀春水碧

謙師方丈觀柳紳乞米書書其後

柳書

子集卷之十一
子集卷之十一
子是誠懸孫字法夙熏習謂君繼家聲立朝冠
岌岌侍書清燕間文彩敷曄曄乃反學真卿而
作乞米帖食粥雖云窮魯公猶可襲

奇尚書退食齋用東坡韻賦一絕

獵獵風輕細雨斜春工催却一番花宅邊唯種
陶潛柳不似人間富貴家

飲奇尚書水亭有妓偶來李學士純

祐作詩予亦奉和

公以上將軍兼尚書

學士毫端鸞鳳舞將軍麾下虎熊趨朱門氣味
今方識國色追陪不待呼

與梁丈國峻圍碁見輸梁以詩誇

之次韻

幸是春天日正逢直須快戰決雄雌捷來雖負
無雙手敗去寧忘借一期欲放王逢橫野火莫
成到溉梁人姓兀風椎問君已辨降旗不與竇秦
師雪恥時

梁丈見和復答

多為飛鴻著意逢故應暫作局中雌死灰必有
重燃日困獸猶懷肯鬪期敗勢須知返刃解憤
心應費仰天椎金溝清泚雖無分好約蕭蕭夜

雨時

四季花三首

臘梅秋菊巧侵寒輕薄春紅已莫干及見此花
專四序一時偏艷不堪看

好許千花伴爾榮一春歸後可堪爭吳姬夢艷
紛紛散歲久方知靜女情

松真竹悍小柔姿跨涉炎寒也自宜爾與春紅
同一樣如何猶到雪霜時

訪通首座劇飲走筆

青山似故人相逢即開眉
義酒如新婦相對不

知疲我昔欲訪來期以芳菲時春光不我負春
日為我逢是時不劇飲不若孤其期此語方未
既師已罄傾卮前言特戲耳於此豎降旗

嘲折足鎗

我家有一鎗久在煎熬裏去年折一足今年折
一趾唯留一腳存遇物好憑倚敵王見吾則我
昔聞和氏衛足不如葵又聞鮑莊子嗟爾本何
由致此大蹇踦家無金鼎用爐炭未放爾支持
備炮烹往往覆鹽鼓冶公固吾欺是豈汝之恥
李清卿見訪小酌用劉禹錫詩韻

同賦

詩格高於柳柳州青衫曾見幕中收

君往年為討賊兵馬書記故去官

班猶阻陪龍尾檄手徒勞守鹿頭三載別來頭
半白一樽相對淚空流憑君且莫惺惺去幸是
黃花泛酒秋

觀晉生公度理園取東坡詩韻贈

之

晉生予之妻兄
時同在一家人

東風吹散一霎雨濕烟低惹尋春塢隴西狂客
老更癡傭奴販婦猶欺侮醉髮鬢鬢慵不梳南
窓戶寢朝侵午逋來謝絕舊交遊獨許里翁相

甫改薔薇幾度自開落黃栗留鳴
漆鷺舞鳴鳴只樂鼓缶歌桴桴
何須抱甕苦自言天地一逆
旅況此屋廬誰是主東園草沒
不曾開翳葉春紅難媚嫵
羨君獨慕古園公護竹養花
頻擁土種瓜豈必邵東陵
學稼昔為樊老圃手栽桃李
揔成陰覆屋低墻迷處所
盜酒從教比舍郎接梭任
却隣家女清明散步綠莎中
笑我詩窓鶴頸俯呼來共酌
數四杯手摘香蔬親自煮酒
酣呼呌聲喧喧枝上閑禽驚
醉語紛吾落魄魄無人知
口自呼名如杜宇退藏始得
幽居味飽食醉

歌捫腹鼓從君俯仰差可樂何必孤高學巢許
免使韋郎憶張老空訪天壇路脩阻韋義方之妻兄張老灌園親戚
恥之張與妻往天壇山義方訪之真神仙之府後復訪之千山萬水無復有路願君理園繼庾翼得
印寧非天所予

同晉生遊九品寺次韻穎僧統壁
上所留詩書其後

穎老雲情早出塵坐教飛閣咄嗟新穎公重創此寺偶看
古壁留題句想對當時見在身山月盈虧空晦
朔巖花開落自秋春閣梨莫患無重構祝我餘
年得倒椿

寄西京妓真珠

國色詩名世盡知無由會面浪相思一言堪喜

還堪恨誤把文章當奕碁

真珠云願一主見詩人李某某國碁龜從誤字一作輕

五月六日飲雞林子家

竹間圍玉局花下酌瓊觴醉覺乾坤窄閑知日月長
摘嘗櫻子爛折挿撻枝芳不有君家在何時笑一場

題任君景謠寢屏六詠與尹同年

等數子同賦

列子御風

從來道境尚遺身何必乘虛始自神
若向風頭尋御寇滿空飛鳥亦真人

陶潛漉酒

漉則為簪戴則巾箇中分別任他人
不妨頭上餘痕在已是平生著酒身

子猷訪戴

訪人情味雪溪中若便相逢一笑空
莫道興闌迴去棹造門直返意無窮

右軍換鵝

費盡溪藤始掃殘蒲籠剛換白鵝
還不如癡姥

集相待破却山陰一段慳

華亭船子和尚

夜寒江冷得魚遲
棹却空船去若飛
千古清光猶不減
亦無明月載將歸

潘閬向三峯

閬仙若也愛三峯
一望嵯峨我已多
倒正騎驢何更問
詩人好事亦云奢

陪崔相國說飲李嗣郎中水亭相國
曾有詩命予即席奉和

解綬逍遙一草亭

時相國致仕

坐榮三子盡紆青
壺天

側畔千機息潭鏡中央萬象形白露先秋凝
砌寒槩當夏凍銀瓶問公昔日黃扉樂能及風
軒與月櫺

依韻奉和崔平章謹致仕閑適

丹心白髮帝王師閑愛時時到紫微馬識懸車
方退伏鳥知分飯不驚飛眼前二子紆朱綬膝
下諸孫弄絲衣賴有樂天遺頌在有時吟味益
忘機

公愛白公布裘頌
日夕吟味故云

閔懷珠蓄斑竹笛請予賦之

九寡珥為琴上弣欲教哀怨惱人魂一省此笛

先妻咽為有湘妃恨淚痕

謝崔天院宗藩惠羊羖饋病母

舊聞至孝天可動紅鱗躍冰笋生凍我有孀親
鶴髮垂晨昏甘旨猶難奉病肢沾床僅一春病
中嗜好日千種鮮羹腥膾何足數下筋未終還
欲吐今朝辦膳問取安却厭邾莒要齊魯雲奔
電走覓四方倉卒難邀髯主簿欲呼元放急提
致屈膝老羖那忍視讀書曾恨多歧亡學道何
由叱石起千搜萬索竟難獲環顧空期慕羶蟻
崔公真是純孝人愛親欲及人之親遺之一羖

燕土著絕勝熊掌與狴屑八手紅肌隨刃落券
韞兼敵甕頭春因知愛我情義篤薦擢行將五
穀贖從此平生免角羸但嗟流景如胛熟作章
欲謝先自愁錯寫躑鴝資捧腹

過松林縣

露積崇囷馴鳥雀刈殘遺穗付牛羊路逢村叟
聞佳語今歲誰家不酒香

留題惠元寺

城中望北嶺一髮雲外插杳然飛鳥背誰謂著
脚躡可恠一箇身已度碧千疊高樓出樹抄勢

若飛來鵲道人出門迎霞襯半有衲步惜紫苔
破笑憐空谷咎咎件件清景多一一似可拾秋光
濃欲滴山氣鬱相襲異石或千鱗奇松皆七鬣
剝木作飛溝遠與泉脉接解教他山水繚繞走
自及大勝倒瓶斟何煩抱甕汲上有聖僧居華
構高岌峩危階挾兩崖七十有三級未登頭已
旋已陟心彌驚道人隨我來身快猿猱捷如行
氍毹中舉足輕蹊蹠蹠相將禮真容雙手蓮花合
竭來卧匡床窓樹風颭颭穹豐一蒼巖鼈伏堂
之背中虛容幾人大或屋許立僧言此一穴伊

昔盡口狹有僧曰惠元於此修白業後輩競鑿
開伋以廣極集雲屏任舒卷石戶能開闔嗟我
本狂直世味俗相涉不如早歸來得此幽興愜
學道師應癰遺形我方懃塊然兩稿木相對度
小劫

七月三日聞雲梯縣爲大水所漂

并序

雲梯迺予前所理完山之屬郡也縣
在巖谷間山之高險甲於他郡又非
濱河枕海而居者霖雨一夕山裂水

湧盡漂一郡吏民物故不可勝數攀
樹而活者纔十之二三也完山舊吏
來謁予具言本末且曰此郡舊未嘗
有此害今而有之此何祥耶予惻然
感嘆為詩以哀之

漢興三十年河決酸棗地後至元光間又決於
瓠子鬻棄已漂浮東注傾淮泗長笑與石留只
自煩民耳此雖古所嗟亦坐居河涘我曾見雲
梯正在巖石裏山有百仞高泥濘所不至傍無
一丈川大水何從起設有滔天災依山尚可避

况復今年雨平地僅尺咫瀕江八九郡亦無一戶
奔云何此山郡乃反化鱸鮓初聞未之信私心謂
非是今朝逢舊吏本未得細味非水能懷山山
吐不測水譬如立屋瓴下注勢難止豈無最高巔
可接飛鳥翅水既從山來攀緣路何自唯有古
樹枝其高頗可恃捷者最先登杳似猿掛臂情
者升未能呀喘雜睟眙何况羸與弱萍泛隨瀕
瀕觸石或卷磨隨樓或彼此兩歇浪復乾如麻
那忍視其間猾吏輩雖斃固其理平生幾侵漁
瘠民以肥已愚民本何辜未識皇天意大禹不

復生老眼空法淚

詠鴈

故人千里訊音疎只待霜天鴈到初
鳥亦隨時情意薄唯嫌翅重不將書

自安和寺醉迴

漣漪亭上醉淋灰石路崎嶇犯夜來
一隻閑身曾獨徃月明還作兩人迴

九月苦雨

淫雨注如河人將化魚鮪九街堪掛帆
舟楫宜可備門外浩漫漫比隣即千里南牆已曾倒西

北亦幾地漏屋百難防持傘夜不寐妻兒苦無
知怨咨聲不已予曰天之為你輩乃敢爾但恐
霜降節胡為雨如此天意固難知拜乞小晴耳
之上人乞詩

才浮東海又淞淮更向京都得得迴自說乾坤
真曠坦孤雲無繫去還來

擁爐有感

人莫逃陰陽天地所役使或令賤且窮或使富
而貴既閑造物手無怨亦無喜此火石所化此
爐鐵所遂火滅則縮身火炎身復伸區區火有

無縮伸不由人既莫避天數甘作天之民又爲
物所制此身安可珍水火不焦濡然後身迺真

偶吟

世間人欲苦難量百歲何曾稱甬情若使千年
方得死千年閻了又求生

遊靈通寺

線路縈紆接翠微不煩問寺逐僧歸到山才聽
清溪響卷破人間百是非

醉題山寺壁

醉後喜題詩一字僅盈尺此壁有何辜今日逢

我元

與兒輩行園中

不履芳園久今朝信步遲花分先後發樹結舊
新移凡草莫教長芳蘭幸自滋物名詩足記兒
甫奉毫隨

東國李相國全集卷第十一

東國李相國全集卷第十二

古律詩

十月大雷雹與風

孟冬之月日在房純陰用事渾無陽雷公此時
震鼓鏜聲若劃裂天中央電火夜掣金蛇光人
面尚可分毫芒雨脚緣雷傾銀潢雹如雞子中
者傷風拔庭前大樹僵掀搖屋宇將飛揚我時
方睡三更強忽然夢罷心茫茫不敢安坐起彷徨
還跪拱手向彼蒼天公威怒固有常春以雷
霆秋以霜此怒反時邪易量萬人一心皆震惶

吾皇求理甚遑遑天又譴告理莫詳古者周虎
與殷湯修德解轉災為祥願君更慎刑政張
雖有變異僅如痒行且去矣身還康

冬日與客飲冷酒戲作

雪蒲長安炭價擡寒瓶凍手酌香醅入腸自暖
君知不請待丹霞上臉來

壬戌冬十二月從征東幕府行次

天壽寺飲中贈餞客

平生不折春蠶股今日將抽乳虎牙破賊朝天
叅御宴紫微宮裏挿宣花

紅旗白刃討黃巾膽怯書生忝幕賓

予以參謀
兼書記

楮

墨何曾乾一日東江水盡必生塵

幕中書懷示同營諸公

冬十二月歲將迫愚儒作佐元戎幕平生不慣
聞鳴鏑今日韃弓還荷戟元帥相公萬人敵曾
中早蓄龍韜策遇士披心示恢廓使人忘軀無
顧惜所以乾坤放曠客不詞俯首就銜勒少年
廢膽敢許國北無獫狁南無貊完山往日遭譴
謫有如鑠却摩天潮今日悠悠復何適湘吳山
高江水碧舊習未除猶舉白酒酣四顧天地窄

君不見雞林黠俗真小賊不足汙我劍三尺不
如用一壯士力縛來麾下費一索不然走我手
中檄坐召渠魁見銜壁明年春風水解脉金柳
低垂玉梅拆朝天歸路一條直奏凱聲中千指
拍公卿迎勞東郊陌蟬首蛾眉羅密席紅旆悠
揚光赫赫紫髯將軍扶醉腋八朝天闕敵俘馘
大者封侯次千頑如予拙澁縮自却口不言功
甘遁迹但願諸公集廬期一擲

統軍尚書幕觀金上人草書

公命予
走筆賦

吾師草聖天下少搖鞞乾坤駘造化十幅鵝紈

展素煙千金螺墨噴香麝酒酣高踞如箕張

師心筆路畫

筆頭生翼欬飛揚手所未到心先吞軒騰奮迅
何顛狂我疑海冰一朝涸鯨奔龍走橫脊張牙
跳巨壑又疑神山之頂風大簸鸞驚鳳駭奮翮
洒毛向寥廓其間細點何所況飛蘿走葛倒掛
枯松上或豎點若輕雲湧岫直奔天或落畫如
飛石放下山萬丈或將斷而復縈或方縱而旋
橫上人之筆信神授不是臨池費墨學所成幕
中之人殊未知皆言熊虎方爭何暇草書為我
獨先窺相公意此意尤深識者誰君不見費禕

圍碁敵自退，宜僚弄丸難。即解況此草，書所自
作本為軍中占。授不令人易，會師乎師乎。縱筆
無忌畏，吾欲撞鉦撾鼓，助其氣。見公草書，不可
無我詞。橫梁賦詩古所貴。

軍幕有感用趙渭南長安秋晚詩韻

光陰冉冉去如流，帶雪南來又涉秋。拔劍沙頭
看海市，解衣林下上岑樓。一心許國雖甘死，百
感侵入漫與愁。悔歛輕狂落繩墨，野禽空困一
籠囚。

又次渭南潯陽杜校理詩韻

虎穴何時一掃空
年光虛擲朗吟中
儒冠強備
參謀客軍幕
猶寬嗜酒翁
竹塢露寒聞警鶴
蘆洲日暖見來鴻
憂來寓目唐賢傳
掩卷露巾憶
晉公

又次渭津東望詩韻

白雲斷處碧天開
片段餘霞似剪裁
倦鳥橫衝
昏靄去翻鷗
斜帶夕陽迴
飛筒疾遞軍書急
伏甲潛窺賊諜來
他日功成便歸去
倩人先築釣
魚臺

又次漢江秋晚詩韻

促織催涼叫露叢可憐猶費大倉紅
角聲暗碎青山裏劍影寒搖碧水中
蒲眼無非橫戟士縮頭翻愧美毫翁
三軍未受冬衣賜又是蕭蕭落木風

謝蜜谷住老寄布袴

擇肉豺狼方作艱
嗜膚蠨蛸又為敵
得君新袴白如霜
端喜今宵除一賊

軍幕書情呈簽判朴侍郎仁碩時

雲門山

紅旆翻風颺半天
碧幢遮日卓高巔
震空雷吼

三軍鼓冠出雲屯萬竈烟筆下檄章慙我鈍幕
中籌策仗君賢何時縛致渠魁首一路垂楊奏
凱旋

朴侍御見和復次韻奉答

他年返旆共朝天應記戎衣寄此巔才見雪華
飄似絮又看草色綠於煙干戈叢裏開詩戰刀
斗聲中酌酒賢粗報國恩惟是地情矢如我敢抽旋

復和

已是芳菲二月天如何猶寓碧山巔感公芳酒
深溥海入我乾喉沃滅烟戰士貪功爭自勇幕

李太白集卷之三
五
素邀賞各相賢唯殘無賴狂癡客心似方輪未
解旋

同朴侍御將向梁州泛舟黃山江
口占

碧江澄淨不生波輕漾蘭舟鏡裏過
訶遣紅裙君必悔此間宜聽一聲歌

密城妓樂來從
公怒遣故云

同朴公將向東萊浴湯池口占二首

瑟瑟初疑瀉冷泉濛濛還似起昏烟
高僧坐度山中臘煮菜嘗茶不火煎

未信硫黃浸水源却疑暘谷浴朝暉
地偏辛免

楊妃汙過何妨暫試溫

泉下有池浴必於此

入東萊見客舍壯麗異常朴君言嘗

典郡時所構嘆息良久因賦一篇奉

呈

東萊客館侈於郡制度特異誰營者朴公疇昔
此分符政清邑理民閑暇霜介伐木雷騰聲雪
鑿隴巖星迸火承公頤指咄嗟成榑榼安妥巧
相荷隴指寒冬有燠房流金盛夏宜風榭我來
仰視何眈眈摩空闔日光相射部分局別由心機
寬不大迂奢不過如非朴公眼孔大雖費巨萬

李太白集卷之三
仙者寡台階異日築邦基撐柱 王家如此舍

正溪縣客舍次韻板上諸公詩

勝景無窮餉客多味如啖蔗漸生嘉偶成圖畫
泂溪寺別占風流映柳家浪急游魚衝落石巖
空幽鳥戲接花箇中聞有三山在是縣古記云縣有三山故云誰
謂蓬瀛路阻遐

重遊龍潭寺

予南行時
病寓處也

百尺樓前路走南刺桐林下訪龍潭竹嫌渭曲
千無一柳恨陶門五噫三園棗成陰今始見巖
泉有味昔曾諳故人仙去今何處落日茫茫恨

可堪

迴安處士置民詩卷

在軍幕作

詩高全勝處堅體文膽猶存子厚風但恨未成
華國手草間呼呌學秋蟲

又贈安處士

眉毛垂似絲眸子炯如水我不見龐公見君疑
即是

復京後乙丑三月遇征東軍幕舊
寮贈之

參謀軍幕強三載浪迹京華又一春獵罷論功

誰第一至今不記指蹤人

相磨木

俗云磨友木也

吾聞於古人朋友貴切偲道德以磨礱如去玉之疵嗟甫異於此相磨反傷肌南山有橘梓俯仰父子儀又聞交讓樹東枝避西枝甫幸同根生何遽相讎為日夜振且闐仰視無完皮聲亦聽不平赤憎鼓揚颼此木有佳實我不願食之呼奴即斫去囑以充晨炊友道喪已久此足為箴規

寓古

我家種孤桐待鳳凰不至斲為一張琴彈作古
漾水世無鍾子期誰肯傾其耳隣家種桑揆養
蚕蚕易肥吐得五色線織成美衣幸升君子
堂終宴得相依種桑易取容種桐難為功寄語
世上人種桑莫種桐

通首座方丈酒酣使智潛上人唱

杜牧詩韻走筆

別後鑪輪二十圓重來話舊各欣然相思詩可
牛腰載已斷絃還鳳髓連一曲喜聞吹玉笛時使人
吹笛
百分何讓倒金船良辰火急謀行樂掬燭如花

夜似年

吉秀才德才家筵有妓獻花予所得一技有葉無花佯不悅而不挿因以戲之坐客請為詩即口占一絕云

狂言忽發錦筵中粉面頻迴笑杜翁應恐得花憎佯態佯癡不贈十枝紅

明日以長篇贈徐學錄陵并序

昨與先生同赴吉秀才家筵有妓獻花予得有葉無花者因口占一絕戲之云

云先生聞之命妓出舞以贖彼獻花無
狀之罪且償予之戲作明日酒醒謹成
古調長篇以謝厚意云

連雲甲第金碧眩銀蒜垂垂簾半卷沉香烟底
咽笙歌美人微笑流餘眄十分蘸甲撥浮蟻主
人起壽客霑醉露濕濃香花滿盤花枝人面嬌
相媚素腕敲來微露玉春風入座香撲撲一枝
到我先盧胡不見深紅空醺綠居士年來身似
寓湛然無波井已古回頭笑謝散花女結習已
空花豈汙唯予淨業洗未了故作新詞博一笑

李杜集卷之三
狂言忽發衆皆驚薄行猶存人亦誚感君好事
為揚眉指麾筵中紅頰兒遣作踟躕回雪舞償
我輕薄嘲花詩書生自古雖命薄得失如環那
易酌眼寒無分看春紅得觀妙舞天所醉心醉
歸來如夢裏黏泥柳絮隨風起待我甕頭芳酒
熟邀君更喚鷓鴣翠

徐學錄見和復次韻答之

歲電平時爛不眩讀書僅至三千卷閉門獨下
董生帷縱有園葵曾不眴邇來陸沉困於蟻百
端愁惱長如醉每見紅裙眼輒開千呼萬喚看

百媚獻花昨日人似玉佯怒故將雙袖撲有葉
無花何足嗔紫薇空恨成陰綠無絃琴上樂可
寓須信陶潛襟韻古已失花黏研帽滑何須水
濺羅衣汙今年春去花殘了明年春迴花復笑
問甯重來折贈無雖復花空何必謂但憑戲謔
展我眉非必眷眷遮奴兒不有囁嚅當日作豈
觀華縟先生詩我家有酒醺且薄有意邀君開
小酌雖無低唱侑歡人一吟一詠聊相酢君不
見鶯啼鶯舞深宮裏美人欠伸初睡起請君往
續麗人行不用丹青寫珠翠

復荅徐公

眼清不受紅粉眩一夜巫山雲雨卷忽然換放
老傳狂戲染香牋題眇眇心知所見猶槐蟻却憶
子夢樹下醉折齒堪誇幼與嘯畫眉昔學京兆
媚更待清秋山聳玉樽墨漸省飛蚊撲置酒重
呼一捻紅與君共賞雙垂綠詞人餘興豈無寓
挑葉柳枝傳自古鏡中雖愧秋霜飄枕上還期
暮雨汙好遣能言秦吉了細傳約束資微笑君
今已就清時縻任却北山峯竦請空瓶何必居
井眉倒載從他拍手兒徑入沉香賦芍藥看促

擅板歌聲詩梨園曳縠蟬翼薄玻璃杯深幾迴
酌嗟我浮休天地間此身非主同誰酢聊寄城
東大隱裏清風一榻慵不起朝罷時時肯訪無
為君方剗庭莎翠

復答 并序

前三篇皆言花柳之事頗近浮靡今
於此篇悉皆削去亦變風反正之義也
巧入弄幻使人眩丹青傳會須臾卷造物生人
亦戲耳俯仰去來空瞪眄仰觀三皇如風蟻況
肯螟蛉議醒醉我寧與世著津迷義不從人甘

竈媚青蠅一箇忽點玉

子於全州為同寮所諍故云

心火炎

炎難可撲小窓盡日雨聲寒幽徑無人苔暈綠

子昂作詩皆感寓士衡托物多効古鍾山明月

歸去來山英莫惜綠池汙人間翻覆已了了口

自無言心自笑書生強很天公憎詩語孤高俗

子謂對君如識紫芝眉君亦呼子揚小兒吐箇

虹蜺萬文氣贈之冰雪三條詩莫道益蠶情味

薄天漿會把斗酌

來詩有蠶之語

仍草新詞頌大

平大平天子壽攸酢餘波儻及泥蟠裏呼吸風雷

一飛起相從橐筆接英遊共賞未央宮柳翠

崔大博宗連和贈徐學錄徐君傳
示於子詩中有及意不可孤負復

次韻贈崔君

魯郊祗恐奏韶眩遽瑗何思有道卷本出冰鄉
難自溫久藏白地知誰舐此身泛泛一蘆蟻不
飲胡為昏似醉無用端能學操全潛光不復期
川媚嗚咽十年空泣玉忽驚蓬髮飛霜撲羨君
氣壯色敷腴得意清時鬢更綠珠璣落處目一
寓句法清新字體占緘封正合錦囊收愛惜勿
教寒具污人事無窮何日了且須會面聞輕笑

嗟予行止與人殊坦率多為曲士誚懶粧半額
學廣眉浪把畫餅饒飢兒唯予能容阮籍放逢
人每說項斯詩世人交分秋水薄君如春江若
為酌相逢痛飲任狂顛何必予張鋪几醉囑君
好去青雲裏鵬翼高搏九萬起莫忘乞我買山
錢占斷匡廬片麓翠

崔大博復和依韻奉答

厭從黠賈見蚩眩退掃妄緣風葉卷嗒然喪耦
子綦嘘謂若無人吳質野先識粗期封穴蟻獨
醒不與鋪糟醉失一爾來清瘦骨峙玉夜榻空

吊燈蛾撲忽因警策來起予廢井更掃陰苔綠
源淺雖無神物寓尚垂短綆還汲古多公有意
薦一鶚鶚來詩有辭薦大手不嫌緣我汙免把岑牟
徐著了摻搨方見曹公笑掛名君筆雖堪誇才
非正平祇速誚不如相見即開眉論情說舊屏
羣兒舞我星精電魄劍唱君月脇天心詩烟雲
好處藉華薄有酒不須辭滿酌相君骨法貴何
疑正合他時秉璋酌如儂宜著江湖裏叢底醉
眠呼不起是時亦託古人無夢中只對飛綏翠

復答崔大博

遺形方熱君胡眩有舌不談吾欲卷為唱陶潛
歸去來怡顏正好庭柯眄衣雖如華食如蟻何
似李杜死飽醉先生聞此即折鋒欲教麋鹿還
馳媚一言佩服重於玉已喜室蘭餘臭撲况是
豪篇洗我酸盈囊溢篋皆結綠唱酬真似方丈
寓肝膽堪為一劍古魚目換珠雖足誇鹿皮薦
璧祇自汙一生便是把燬了千金且買揚蛾笑
與君好作忘懷遊任聽羣蛭相詆誚窮常俛頸
達亢眉得失亦等乾沒兒吾儕屬意安用此且
弇萬事深論詩天公餉君亦豈薄富貴付爾令

自酌餘膏殘瀝欲及我此意良深何以酢梁公

興逸詩酒裏

君同寮梁公亦徐老神清情者

起涼秋何處會三仙楓正染紅蘭被翠

梁學諭公老見和次韻荅之

化人初使光影眩樂廣復教雲霧卷平生不羨

黑頭公但喜得君青眼眄多慙跛驢趁白蟻樽

酒十年曾共醉憶尋精舍玄閣梨

予昔每與君訪天壽寺玄

章大士或

寄居方丈

娟娟曉出烟鬟媚石徑攜筇鳥硬玉

葛巾練袂晴嵐撲舊遊依然如昨日春草萋萋

幾迴綠去本無心來亦寓人生俯仰成今古江

西墨綬君始解嶺外銅符我暫汙此生聚散幾
時了相逢又撫銅人笑一圍腰減正緣窮三尺
喙長甘見誚已知刺舌與灸眉無復介鬻矜細
兒胡為更磨綺語硯賭得夫子天葩詩見君飄
然氣飛薄半空沆瀣如可酌從此棄虛直到天
掉下酒旗相與酌相將遊戲浮漚裏是非哀樂
何從起羊公湛淪不須論江水湯湯山自翠

吳先達伯胤見和復答之

文章小技等反眩供人一笑即可卷不用彫鑿
愁真君自雖差苦誰留眄穿珠度曲安用蟻隨

車無傷復似醉忘機可與海鷗遊順性堪觀庭
虎媚歛藏鋒刃諱切玉蛺蝶已甘兒女撲先生
乃我忘情交共讀三元琳字綠身寄浮生心不
寓名雖今人實是古天地歸君一指齊溪山厭
我餘愚汙死生哀樂各拋了相見忘言握手笑
招邀且入無何遊輕脫休為造物誚謂君洗髓
追黃眉東方朔古事謂君專氣如嬰兒胡為又逐好
事輩漏洩天奧誇雄詩斗腸無奈鬱迴薄瀉作
懸河浩難酌惠然見貺意何深忍把酸寒容易
酢君看人心翻覆裏紛紛喜怒如鋒起吾儕出

處貴如愚美羽自我看孔翠

金先達南秀見和走筆奉答

人間真妄朱紫眩正始風流掃地卷先生韻格
苦清澄眸子瞭然迴逸眄紙上何勞窺黑蟻心
中已負六經醉平生鐵腸似廣平解吐梅花詞
婉媚憶君年少面如玉酣宴杏園紅雪撲當時
得意馬蹄驕踏遍長安芳草綠奈何京輦猶羈
寓君以鄉貢登科浪作孟生心貌古多才行迫簪纓縻
無事何嫌詩酒汙夢中得喪我粗了兩竅龜頭
還自笑身是乾坤一散仙忘形故意從譏誚投

箸無心却月眉到頭羞見凝酥兒飲中題作特
戲耳君從何處見我詩不憎吾輩多輕薄欲展
盤筵呼我酌為言百歲如風狂兩家有酒交相
酢我時偃卧茅齋裏聞君此語整冠起欲攜芳
酒訪君歸速喚歌兒裝首翠

山中

趨世尚難休到山何憚阻半日僧窓閑足償南
北步日落巖雲屯霧蒸山雨霽靜裏不妨吟詩
成即是偈

典衣有感示崔君宗藩

季春十一日厨竈無晨炊妻將典衣來我初訶
止之若言寒已退人亦奚此為若言寒復至來
冬我何資妻却恚而言子何一至癯來雖未鮮
麗是妾手中絲愛惜固倍子口腹急於斯一日
不再食古人謂之飢飢則旦暮死寧有來冬期
呼僮即遣售謂可數日支所得不相直疑僮或
容私僮顏有憤色告以買者辭殘春已侵夏與
豈賣裘時早為禦寒計緣我有餘貲如非有餘
者斗粟不汝貽我聞慙且忍有淚空沾頤三冬
織紵功一旦棄如遺尚未救大歎立竹羅飢兒

反思少壯日世事百不知讀書數千卷科第若
摘髭居然常自負好爵謂易縻胡為賦命薄抱
此窮途悲端心反省已亦豈無瑕疵嗜酒不自
檢飲輒傾千卮平日心所蓄及醉不能持盡吐
而後已不知譏謗隨行身一如此窮餓亮其宜
下不為人喜上不為天毗觸地皆玷黷無事不
參差是我所自取嗟哉又怨誰屈指自數罪舉
鞭而三答既往悔何及來者儻可追

送友人之南田居

浮雲富貴夢悠悠却向江南卜宅幽白玉黃金

隨手盡青山綠水放身休日輪跳送人間老天
幕寬成醉裏遊待我他年婚嫁畢結茅隣舍種
松楸

諷百詩

壽夭雖有命亦在人行爲毋謂過之小小積成
大疵有人顯干法受戮已不疑其間有隱隱人
豈一一知幸人之不識一犯又再斯上天鑒善
惡如鏡辨妍媸一朝降明罰糜碎身與文不然
注陰禍無奈折其期請看雷震時頑者猶失匙
雷收復肆意不若聞震時人心好反覆於此可

知之君子畏天墜暗室猶不欺脫未蒙其福亦
免蹈其危小人謂天遠妄欲隱其私天孽是自
召噬臍焉可追作詩諷凡百佩服無忽遺

鴛鴦戲作

碧池春暖縠舒紋盡日雙浮不暫分莫使美人
容易見片時勿欲放郎君

乾聖寺帝釋殿主謙師所居樓架
蒲桃遮陽賦者多矣師請予次韻
架引蒲桃繞屋傍壁簷低檻翠陰涼未秋先見
團珠露當晝猶無半縷陽後蔓來扶前蔓倒新

螢走趁舊螢長罍罍玉實體輕摘甘脆偏須得
飽霜

螢

百蟲潛息夜幽幽
恠爾擡燈獨自遊
時見美人羅扇撲
苦遭詩客綃囊收
低飛似欲黏衣領
飄去無端度屋頭
更莫迢迢天際逝
觀臺容易報星流

又

螢火元不焚
徒爾光炳炳
雖於茅屋間
任汝飛白逞
青熒點草上
清露炤月炯
飄來入窻戶
書

冊宜可映雨濕未滅暉日昇便沉影信知腐草
餘朽木夜能耿

霜姬嘆

林葉尚青青蟋蟀鳴砌底婦女已驚秋殷勤理
機杼獨有老嫗嫗拱手願復暑時節固有程進
退寧為汝園楓行欲丹爾可尋古絮荅云是何
言妾本最貧女故絮久已典新衣誰復與我聞
惻然悲心若掛私慮要趁窮秋時尺帛期可惠

重九日詠菊

三十九重陽寒花一揉黃奈何雙鬢髮換綠半染霜

登北岳望都城

絕頂望都城浩浩萬人海小屋何容言大屋正
如塊可憐路上人蟻奔塵土內經營覓何利益
各有所掛區區蠻觸間死生哀樂在安得出其
中遊於六合外

問金大年

故人來扣扉曠額復顰眉若是懷殷憂何暇訪
人為徐徐候動止些少不平耳飲之數四杯儻
可寬愁思問子能飲無有酒幸芳旨非欲苟醉
君要看詩效肆

山寺詠月

境絕未曾看
心高索句難
故人唯月在
入詠已娟娟

山中寓居三首

欲試高人心
入山先醉罌
了不見喜愠
始覺真高士

道人雖灰心
亦愛詞人詞
幽庭不掃葉
請我遍題詩

高巔不敢上
不是憚躋攀
恐將山中眼
乍復望塵寰

木筆花

天工狀何物先遣筆花開好與書帶草詩家庭
畔裁


戲贈美人

少年顏色好相看花本無情亦媚顏老境猶憎
美人面任渠嬌態作千般

代美人答

寄語郎君莫散看有人隨分愛吾顏但嫌妾亦
行將老老壯男兒視一般

東國李相國全集卷第十二





集國相寺

四